



新刻石室先生丹淵集卷第一

宋尚書司封員外郎充秘閣校理新知湖州軍州  
事兼管內勸農事上輕車都尉文同著

詞賦

超然臺賦

方仲春之盎盎兮覽草木之菲菲胡怫鬱於余懷兮  
悵獨處而無依陟危譙以騁望兮立阜崔峩而參差  
窮莽蒼以極視兮但浮陽之輝輝忽揚颺以晦昧兮  
灑氛霾於四垂躡余心之所行兮欲溷溷其安之說  
余神以遐騫兮控沈寥而上馳闢晻曖以涉鴻洞兮

揮霓旌而掉雲旗導長筇以夭矯兮從宛虹之委蛇  
曳采旒以役朱鳳兮駕瓊輶而驅翠螭涉橫潢以出  
沒兮歷大曜而蔽虧徃萬里以一息兮俯九州而下  
窺有美一人兮在東方去日久兮不能忘凜而潔兮  
岌而長服忠信兮被文章中皦皦兮外琅琅蘭為襟  
兮桂為裳儼若植兮奉珪璋戢先耀兮秘芬芳賈世  
用兮斯卷藏遊物外兮肆猖狂余將從之兮遙相望  
回羊角兮指龍航轉嶠夷兮蹴扶桑倚泰山兮聊徜徉  
下超然兮拜其旁願有問兮遇非常勿掉頭兮告  
以詳使予脫亂天之罔兮解逆物之韁已而釋然兮  
出有累之場餘復僊僊兮來歸故鄉

石姥賦

上簪峯之飛泉兮披薈蕪之榛莽肝倦缺而膺喘兮  
窮其巔於絕岨爰有石而跂跂兮旁無他而相伍色  
黢黢而骨勁省兮具支節而帶文縷其遠睨之若人  
兮迫猶疑其蹲虎里俗神而甚恭兮號相尊其曰姥  
謂遽亟而丐况兮緣其求而下予忽早陽赫而上藝  
兮飛光流而燎土燁多稼以巨甌兮烹群命于碩黼  
走群靈而莫答兮後率歸而此憩後稚耄而竭蹶兮  
來號歎而詔講會諸力以掀揭兮使轉移其常處靈

歛然而見景怪兮衆外愕而中怖愉堀堞而下發兮  
鬱黯爨而上布憺砰磔而中作兮淋漓沓而四注回  
極熾而施大潤兮曾不暇乎旋步已復還其故立兮  
各再拜而引去問其端而何從兮皆失其幾許吾聞  
懷澤之與符陽兮亦有石為牛鼓彼民釁而擊之兮  
常以旱而取雨宛其於爾為類兮彼又載於國譜噫  
惟皇之大職兮繫陰陽之煦姪奚磊砢之頑質兮輒  
矯權而自註事豈無於遠然兮而惑者槩從而為語  
皇忽寤而震恚兮列罪目而爾數訶星士以施楛兮  
勅雷將而揮斧赫電火而灰爾兮鼓箕風而蕩汝聞  
大空而泮散兮一摩抗其處所俾愚黎之偈正兮識  
惟皇之覆露皇未寤而民尚惑兮徒吾髀之長拊

蓮賦

彼芳蓮之紛敷兮乃橫湖之繡繪挺濁淤以自潔兮  
澡清漪而逾麗纖空其上下兮細理周其向背甘液  
凝而露浥兮清香馥而風遞向水筋與玉骨兮外吐  
心而露肺承寶座之千趺兮蔭珊瑚之萬蓋張翠帷  
於月下兮列綵仗於煙際容鷗鷺之徙倚兮取龜魚  
之芘賴既帖水以不競兮復泐涯而自退實華蘊之  
上品兮豈草木之一槩

松賦

度衆木而特起兮有高松之可觀  
擢雙幹以旁達兮聳千尋而上擊  
怪誰入於圖畫兮老莫知其歲曆  
舍古意以茫昧兮負天材而岑寂  
柯磅礴而如抱兮葉微掾而若寡  
停餘雪而暖溜兮棲宿雨而晴滴  
險穴聚乎魑魅兮陰枿藏乎霹靂  
蒙煙霧之灑潤兮傲氷霜之慘戚  
榮枯繫乎所托兮用捨由乎見覓  
敢並名於杞梓兮甘取誚於樗櫟

問神詞并序

丙申歲夏五月南豳大旱士人走寧之要用池

取神水者如市既得各就其社祀以禱雨然踰旬不應民甚恐懼禾稼焦枿不得食以死且疑神何不若嚮時之速驗也群口咨嗟余聞之爲作問神辭使歌之凡三篇如左

一

惟歲之旱兮叩群靈而寂然  
壘踵汗額以歷它疆兮俾趨神之所淵  
飾盞缶以借餘潤兮輦護以歸期  
監乃衷之虔兮少悼民之凶飢  
巫歌現舞兮舌橋而腕垂  
原呼野召兮翁走而媪馳  
奉新絜以羅庭戶兮日屢薦而益祗  
吾將問神兮不閱此而曷爲

二

寧山之環兮寧水之灣吾神宅茲兮幾千百年土岷  
所仰兮重如一天凡旱取雨兮易若手然潤逐灌洒  
兮陰隨炳煙盡秦之境兮歲無楮田茲夏隴之槁渴  
兮風燥而日煎吾將問神兮豈或不職而累前

三

神嘗以功兮荷天之福袞畫藻火兮冕垂纁玉樓殿  
輻輳兮楹廡聯屬炫煜煜兮盤山結谷帷帟之下兮  
雲藏雨蓄宜以其潤兮惠吾百穀胡為自嗇兮肆魍  
之酷吾將問神兮寵其為辱

去陵

度寵從兮外岑峯宛詰竭兮辭高而謁深望巖岨之  
危堞兮隱重闥於幽林石塗齟齬而直注兮盤苔磴  
乎千尋問守居之何所兮凌絕壑而繚層巒廡鬱  
其紆紉兮觀閣緣乎屏頽嗟余胡為棲此兮日倚伍  
乎群山歲月淹其兩周兮悵何時而當還焯兮懔懔  
兮慄若寐之覺兮疾而復承詔易守漢上兮幸旋轉  
于夷陸側身東望兮掣余思而太息山中不可以久  
留兮無四時而蕭瑟

秋望

層巖  
五  
愴竄立兮臨會顛極延迤兮睇遙川杳營營兮其何  
之馳泥濘兮浮寥然彼美人兮在一方望汨鬱兮蔽  
雲煙期將邁兮殫所思念莫致兮勞且悵零露濛濛  
兮侵其歸灑涕淚兮紛如泉  
送李道士  
雲離離兮風濛濛群山空兮萬水凋水澗澗兮大野  
平天沈寥兮新霜晴送先生歸鵝池晨霞鮮兮明羽  
衣乘青驃兮度南岡荷瓊笈兮祕雲章先生去兮來  
何時上三嶠兮余之思閑居靈崑兮摘錦詞有鶴可  
使兮其致之

哭仲蒙二章

惜憐栗兮臨清秋懷空憤兮紛予憂拂其弭兮久復  
留念將焉適兮升高立問胡然兮予之思經予心兮  
不解以繆謂遐闊兮願如其宮悵西南兮川塗緬脩  
已忽寤兮往嘗此以訃蓋子之生于世兮期為已休  
萬感芸然兮盡予之中魄幹漂潰兮索其若抽念子  
一去兮不可以復見顧予之於道兮尚胡為而此謀  
欲子似兮取友但寥寥兮求安孰識子兮予深當何  
人兮與侔彼徒以文行兮為子之高其不為賤正體  
而責余眈如刻畫兮妄以累子類神珠兮釁夫球知

子之末兮尚可以表世其不能究者兮彼又何尤已  
矣乎子之存兮在于憶子之疾兮將何時而可瘳歛  
予恨兮暮來歸煙雲飄蕭兮奉予以愁

右臨高

念子將歸兮于嵩之陽彼山之中宅群僊兮欣得子  
而翱翔冠芝英兮佩蘭芳躡暉曄兮服熒煌執瓊笈  
兮披錦囊翹天風兮誦霞章神君揖兮登寶牀玉女  
進兮奉瑜觴予浩歌兮頌靈休瑤瑟差薦兮相與子  
之獻酬客下緱嶺兮飄霞旒人來頴陽兮駕琳輶蟠  
桃春兮白榆林雲開月皎兮桂嶠之幽子之樂兮千  
萬億年下視此世兮不肯還猿嗥鶴哀兮怳惘乎空  
山相望何所兮杳莫可攀

右懷嵩

仲蒙爲人無所不備采摘一二以爲其  
美行之累多矣劉元平嘗論人之賢者  
曰無長仲蒙似之故同之二章如此熙  
寧辛亥仲春癸酉仁壽郡東齋題

哭任遵聖

覽顥宇之渺漭兮悲萬彙之漂搖林薄颯以殞瘁兮  
帶原隰之蕭條愴離魂之拂鬱兮紛渙散而孰招悵



節物之變易兮付餘懷以無聊念先生之生此兮皇  
曷爲而有之既誕畀以才德兮又復艱其所施使輒  
轉於偏側兮躓其行而莫馳哀枹憤以遽去兮問誰  
賢而爾師飽道義兮富文章轟大聲兮發洪光潔如  
玉兮凝如霜堅不可撓兮凜不可當嗟爾世俗兮曾  
莫測其所高但輒詆以絕衆兮實自疵于爾曹且勿  
辨其蘄臭兮混蘭藏於蓬蒿不善擇其至行兮務族  
謀而叢嗥今已矣兮想子立而孤居遊鴻洞而入齋  
淪兮乘威鳳而跨鯨魚出入乎無極兮旁羊乎太虛  
下視夫塵寰兮諒將厭其如絮惟不肖兮有性自天  
蹈大道以直騫兮繇中軌而掉長鞭寧剛折而方斲  
兮耻從柔而逐圓獲稠人之笑詈兮獨先生之見憐  
負先生之所與兮羗莫一恤乎其它今既失先生之  
爲徒兮顧泯泯而柰何茲忽訃以大事兮還英氣於  
岷峨恨不能撫柩以一訣兮橫涕淚而滂沱亂曰先  
生之美兮豈衆人之足云兮先生之慶兮有弟賢而  
子文兮先生之安兮地既吉而可墳兮先生之壽兮  
期萬祀而有聞兮夫何憾耶

今山因哭許駕部

鄉余登大嶧以回軫兮過君公之故里涉郊坰而歷

問闕兮聆弦歌之盈耳稔德義於洋洋兮時屬君之  
令此因執名以願見兮遂日親於燕几挹佳論之端  
潔兮識所存之可喜議為邑之良術兮欲儷君而無  
幾復余出守於陵陽兮君亦擁麾於通義封壤相切  
行不越宿兮朝暮之聞愈美彼邦之政素艱其施兮  
前宰稱乎善治惟君之才力強敏兮條若紛絲之就  
理余改符於漢中兮君復駕題輿於錦水閱月未久  
而君以疾聞兮忽遽傳乎君之不起哀哉淑人之云  
亡兮無由撫棺而問天以死徒臨風以求歎兮何壽  
夭禍福之反是獲河內之來訃兮蒙不鄙於君之子  
云將歸君於幽宮兮撰吉日而且通湯湯乎大河之  
漚兮我我乎大行之趾岸磅礴而岡隱嶙兮茲有利  
乎君之所止限川塗之脩緬兮阻陪葬乘之末執悼  
余懷一以遐薦兮曾莫殫於累紙酌芳椒以盈樽兮  
寘生芻而在篚遠不能脩此以奠君兮悵音容之已  
矣

送人

風寥寥兮黃葉飛黯栗冽兮寒滿衣歷欹嶽兮山逕  
微背晨霞兮送子歸子之居兮錦水湄樂莫樂兮奉  
庭闈凝流塵兮掩瑤徽知此音兮天下希

玉女

艷明霞兮體霏煙秀婉嫵兮靜嬋娟如龍之矯兮鳳  
之翩倏見光景兮忽自還乎杳然宅幽宮兮闕靈囷  
領群娣兮司寶泉福斯民兮千萬億年享豐祀兮期  
終山

登山

余將往兮南山路骹靡兮何高昧其適兮茫茫歷崎  
嶇兮嗟峨枳棘紛兮鈎衣解難進兮前阿指屢血兮  
險艱翳習拂兮叢羅地虺結兮伺人復虎兕兮群嗥  
念失足兮安逝其悵恨兮柰何

石室先生丹淵集卷第二

文同著

樂府雜詠

秦王卷衣

咸陽秦王家宮闕明曉霞丹文映碧鏤光采相鈎加  
銅螭逐銀狻壓屋矜蟠拏洞戶鎖日月其中光景賒  
春風動珠箔鸞額金窠斜美人却扇坐著落庭下花  
閑弄玉指環輕冰扼紅牙君王顧之咲為駐七寶車  
自卷金鏤衣龍鸞蔚紛葩持以贈所愛結歡期無涯

殿前生桂樹

童童彼芳桂藹藹生廣內靈根浹和液柯葉冬不改

日月最臨照雨露偏汪濊願保剛勁質與君同萬歲

### 臨高臺

臨高臺望故鄉地千里天一方極目外空茫茫孤雲  
飛不我將安得羽翼西南翔

自君之出矣

自君之出矣弔影度晨夕中門一步地未省有行迹  
閨闈足儀檢常恐犯繩尺欲寄錦字書知誰者云的

### 東門行

士有失所偶難甘蓬華微拔劍出東門感憤不顧歸  
賢哉彼嘉匹逐逐牽其衣願同此鱸粥節義安得違

況今謂清世不可復為非

### 西門行

盛年可愛重芳辰宜嬉遊金甕釀醇酒玉盤炙肥牛  
青春九十日不可一日休勿自汨浩氣滿胷藏百憂  
君莫惜黃金黃金身後讎自古貪與吝常為賢者羞

### 塘上行

寒塘漲新雨灑灑翠波滿沙晴步聲澁風引羅帶緩  
蒲牙妬古利荷葉歡心卷生平玉衣夢至此神亦誕  
徒誦小星篇無人覺腸斷

### 釣竿

霜刀裁綠筠，桂餌掛輕縵。歛迹天地間，側身江海濱。  
悠悠寶帳夜，寂寂烟波春。何時投竿歸，再與君子親。

鳥生八九子

南山有烏鳥，生子層崖巔。戢戢新羽成，相將弄晴烟。  
朝饑集壠上，暮渴來崑前。託居浚林中，自足終爾年。  
胡為去所依，無乃甘棄捐。却愛庭樹好，群飛投碧圓。  
高枝踏未穩，身已隨潛弦。因知萬物理，主者持默權。  
凡云愛此命，生死期已然。出入既有定，何歎於後先。

野田黃雀行

槌鼉鏗

鯨宴瑤臺，紅鷗弄翼春。徘徊和風入，坐賓主。

樂金觥，玉豆天中來。勸君劇飲莫自訐，暗中光景能  
相催。試看庭前好花榭，枝下落多枝。上開人生不厭  
苦行樂，勿用蹙促相驚猜。賢愚貴賤各有命，此理悟  
者真賢哉。

苦寒行

上太行兮高盤盤，日將暮兮歲已闌。入谷口兮出林  
端，風慘慘兮吹骨寒。冰霜結兮玉嶺，岫光上照兮天  
色乾。紛橫委兮草樹殘，黯慄烈兮烟雲霞。僕足鞞兮  
馬蹄，抗望所舍兮摧心肝。囊立空兮衣且單，嗟道途  
兮胡艱難。

苦熱行

黃人頓駕留天中金鷄吐火燒碧空  
炎光染雲聳岌岌  
早氣爍土飛蓬蓬  
龍搖乾胡不作  
雨虎裂渴吻無  
生風安得有術擘海水入底一扣鮫人宮

俠客行

紫髯圍碧瞳勇氣炙坐熱生平脫羈  
檢少小服義烈  
堂堂吐高論牙齒若嚼鐵寶劍壓腔  
橫誰耻我可雪  
酣歌入都市當面洗人血常言荆軻  
愚每笑豫讓拙  
事已不受謝門前車馬絕自謂取功  
名焉能由筆舌

巫山高

巫山高高高凝烟十二碧篔簹寒  
挿天危崑絕壁已飛動  
沈復下壓萬丈之蒼淵波衝浪激  
作深井虎眼徹底  
時一旋長風瀆湧發灑瀟惡色怒  
勢因誰然我欲截  
中流虹梁莫得施螭蟠東西相遠  
望不到兩目欲斷  
心將穿回看高唐廟下灑靈雨遣  
我歸意常翩翩

水仙操

嗟哉先生去何所兮杳不可尋  
捨我於此使形影之  
外兮唯莽蒼之山林仰圓嶠之  
峩峩兮俯大壑之沉  
沉長波瀕瀕以蕩瀟兮群鳥  
翻翻而悲吟寂擾擾之  
煩慮兮納冥冥之至音先生將  
一我之正性兮何設

意之此深我已窮神而造妙今達真指於素琴先生  
盍還此今度明明乎我心

大聖手

華堂合樂轟春晝鳳叫龍嘶畫鼉吼瓊貌壓地開組  
繡美人舞今獻君壽紅婆娑今翠蚴蟻雪翻花今風  
入柳曳輕裾今揚絲綬金鸞飛今玉麟走入急破大  
垂手香檀札札江雨驟情凝力定方舉袖烟收霧歛  
曲徹後錦盈車今珠滿斗

採蓮曲

綠纈襠紅繡裳衫盤蜂蝶裙鴛鴦雕魂錯寶重鬢長  
紫肩翠盃行新粧踟躕曲堤下回塘畫橈送入波中  
央羅袖卷起金釧光搖輕撼脆敲短芒丹瓊緝玉低  
復昂露裏薄粉撲嫩黃蠶腰蛛腹絲颺揚列坐綵舫  
求比方笑聲吃吃動明璫挨蒲拂蓼次岍芳風吹落  
霞供晚涼西城鴟鴞啼女墻歸來索酒酌蒲觴吳屏  
蜀帳園象床困臥不起燈燭張琉璃盞生叢生香

對酒

朝廷曠如日區宇清若水殊方文教達微品德澤被  
伊人復何幸遇此栗陸氏茫然大虛內烝鬱盡和氣  
真風泱敦俗無所容一偽唯宜對樽酒酣飲樂無事

人間此昭世得偶須自貴無為名所勞區區取愚謚

白頭吟 憶昔宴華堂金徽導幽意雖知取名賤越禮奉君子

相期本同穴誰復耻犢鼻一見茂陵人烟霄與泥滓

願言保新愛妾以其自棄恩義薄所終多生於富貴

芳樹 庭前有芳樹穠陰滿軒碧莫惜更携酒醉此青春色

朝來見鷓鴣飛鳴繞其側光景不可留徒遣君歎息

武溪溪 嶠南之武溪其深不能測潭潭滴瘴癘水色重如墨

昏然潦霧作上下毒氣塞仰視高飛鳥跼跼墮兩翼

交州惡女子制馭費街勒伊余繆兵寄得總浪泊役

常其馬革死持此期報國臥念少遊言從之何可得

走馬引 群蹄踏空山半夜若風雨平明即其地已復天上去

惟子迫大義盍免以名捕螭蝸入寒殼此豈謂安處

脫身入浩渺固有神物護禮謂不戴天天知天亦許

起夜來 曉牕明綠紗蜀錦壓春臥橫腮虎魄冷驚起新夢破

玲瓏轉條脫縹緲梳矮墮高軸響銀床時誤君車過



長安道

長安道隋唐宮殿生秋草若使皆知嗣業難爭得行人望中老

王昭君四首

不惜將黃金爭頭買顏色妾貌自可恃誰能苦勞力

其二

絕艷生殊域芳年入內庭誰知金屋寵只是信丹青

其三

幾歲後宮塵今朝絕國春君王重恩信不欲遣他人

其四

極目胡沙滿傷心漢月圓一生理沒恨長入四條絃

吳趨曲

萬頃平湖水晴光射早霞紅裙鬪畫楫相結採荷花

又

岼上相將疊鼓催青翰齊上碧波開鷓鴣屬鴉不驚

起慣見蘭橈日日来

又

蕩漾水中舟徘徊岼邊馬相看兩不語密意待誰寫

劉生

歷古推任俠彼劉生者何提襠擊朱亥引劍刺荆軻

飲肆扶頭出歌樓棹臂過無人繼義勇閑隴氣消磨  
紫驕馬

翩翩紫驕馬爛爛黃金鞍流水四蹄急飛星雙目寒  
擁頭青玉鈿蔽臆絲絲鞞誰取交州鼓摸將骨去看

紫驕馬

鬢鬣擁如雲西人號乞銀更逢桓御史特地起精神

二卷終

石室先生丹淵集卷第三

詩五十七首

文同著

貴侯行

將軍功勳滿旂常昨日賜對開明光腰懸橐駝紫金  
鈕爵號進拜諸侯王戟衣翩翩弄春影大第高門臨  
萬井但願囊書絕邊警常官中都奉朝請

朱櫻歌

金衣珍禽弄深樾禁蘂朱櫻斑若纈上幸離宮促薦  
新藤藍寶籠貂璫發凝霞作丸珠尚軟油露成津蜜  
初割君王日午坐倚蘭翡翠一盤紅鞞鞞

拾羽曲

判

新羅研紅裙禡齊綵縷賜衫花倒提新晴暖日麗烟  
草金獸齧鎖藏春閨朱橋逼江曉沙白錦帶交風大  
堤窄蘭洲遺翎得殘碧歸未驚飛上嬌額

沙堤行

金吾馳騎東復西督兵萬指平沙堤傳言築路拜新  
相恐與九衢同一泥夜來尚在蓬萊宿手寫姓名符  
夢卜連詔黃門下北扉趣草贊辭登力牧平明劔珮  
羅東閣大字滿行書德棻謁者長言告紫宸感召一  
庭和氣合上心喜曰予良弼未謝急宣令直筆群吏

迎歸政事堂指顧之間歌畫一午滿初移催入馬寶

帶盤腰印垂胯歸來冠蓋爛盈門異口平音賀太平

五原行

雲蕭蕭草搖搖風吹黃沙昏沈寒胡兒滿窟臥寒日  
卓旗繫馬人一死夜來風火連篝起銀鶻呼兵捷如  
鬼齊集弓刀上隴行大謀狐嗥繞空壘兔人鈔暴為  
常事見敵不爭收若雨自高聲勢叙邊功歲歲年年  
歡一同將軍玩寇五原上朝廷不知但推賞

讀武紀

嗟哉徹之有天下其心神仙希羽化五十餘丈起樓

徹：肩公本同

觀萬八千里走車駕安期羨門竟何在五利文成終  
死詐若非畱意尚文學羸政且賢非爾亞

題東嶠隱者壁

青峰叢叢擁危壑綠樹團團扶曲閣幽人睡起漱寒  
泉坐看一林山雨落岩前火氣雜芝朮澗下苔痕亂  
猿鶴自憐塵土滿衣衫欲解從君今尚莫

東山亭

朝陽之峯乃天設曲嶺長崗地盤結下臨絕澗走縈  
回上聳巍亭飛巖嶮晚雲幾處水墨畫秋樹數番紅  
綠纈安能恰會此時閑靜與詩翁吟曉雪

水邊春半

芹牙差差蘭笋短石渠水銷水色淺倡情冶思不可  
柰好鳥間關花婉婉鮮衫翠裾者誰氏行歌楊枝惜  
時晚臨流有客抱危膝苦調長謔問誰遣

採藥歸晚因宿野人山舍

東岩陰深崖巘古夾澗垂泉結鵝乳我來採藥晚忘  
歸試宿荆扉問鷄黍春風滿林燈火冷一夜不眠山  
月苦平明携策下青蒼松菜紛紛洒新雨

後溪晚步

陰陰芳樹暗回堤路入蒙籠轉野溪澤雉應媒高復

下林鷓引子歇還啼青蒲宛宛全淹水紫笋班班半  
出泥倚杖風前感時節亂烟斜日一蟬嘶

山中新晴

山中新晴曉烟暖散帶頽冠漱岩畔海鹽未去猿鶴  
喜紫桑初歸松菊亂林間餘雨時一滴嶺上飛雲忽  
雙斷安能舉手恣扶搖欲共高鴻拂霄漢

鹽亭縣末樂山叩雲亭

長江合高峰爽氣左右繞中流望絕巘萬丈見木杪  
孤亭揭其上隱隱一拳小李君令茲邑邀我升縹緲  
是時天宇淨晴色洗霜曉萬象滿四隅轉盼皆可了

神清壓塵坌志遠喜猿鳥人生貴軒豁世務若紛擾  
茲焉獲登覽浩思欲飛矯今謂亭我為勝絕此應少  
願子立佳號光輝飾松鳶因名之叩雲大字榜霞表

杜逸人歸龍山

上亭北望二百里頽巘墮墜圍龍山余嘗往來見之  
喜飲食夢寐皆孱頽恨無羽翼一飛到羨子長往不  
歎還安得擺手掉世故相與傲兀於其間

曉入東谷

振纓効王官釋來去鄉縣十年始還此景物覺盡變  
東谷素所愛乍到若創見烟雲引晨策數里入葱蒨

明霞照溪口花草露初滋長松盤高崗竦竦擢秀幹  
垂陰雜群木上欲接霄漢柔羅互鈎鎖攬地走荒蔓  
脩篁揭其間萬个挺若箭登臨愴舊歷眺聽悅新翫  
讀書破茅蘆徑約已漂斷唯餘舍南水尚吐石竇戩  
潺潺落危壑袞袞引飛練臨流濯塵襟照影寔覲面  
功名竟何所旅跡轉孤賤引手謝猿鶴溪慙尔驚怨  
東谷沿小澗樹木叢蔚中有圓潭愛之久坐  
書所見

野水瀉古穴石岸盤回淵飛塵不可入竹樹圍清漣  
靜往得勝玩深居逃俗緣寒光照頰襟景寂心自圓

枯篁蹲碧禽垂頸窺沉鮮對之不敢動相望兩俱禪  
東谷茅齋

野徑轉深密靜無車馬痕杏花金粉墮苔菜翠茸翻  
蟲鳥春音雜烟雲晚色昏俗塵何處入長是掩谿門

夏樹

夏樹始繁密條縷方且柔左右覆吾廬合如張碧油  
新蟬噪晴午餘響藏深幽軒窗轉炎日清影為我留  
蚊蚋亦取庇鬧若春雨稠拂揮不停手咀嚙胡尔離  
何當薰風來一與掃蕩收吾將就高蔭濯足臨寒流

田舍

園林曉氣清籬巷夕陽明石竇聞寒碓烟坡見晚耕  
豚蹄供禱賽龜殼問陰晴欲識豐年樂一村鷄犬聲

高槐

高槐夾前除合蔭卷若洞交柯載宿雨壓地翠色重  
青蟲煖自挂黃鳥晴輒哢枕簟傲炎風為君高與動

春閨

枕帶縈春思窻紗漏曉光蟪蛄傷遠別鷓鴣感流芳  
粧匣蒸殘粉薰爐試日香洞房燈燭外只有夢悠揚

採桑

谿橋接桑畦鈎籠曉群過今朝去何早向晚蠶恐臥

家家五十日誰敢一日墮未言給私用且以應官課

青城山丈人觀

群峯垂碧光下擁岷僊家神皇被金巾坐領五帝衙  
威靈攝真境俗語不敢譁精心叩殊庭俯首仰紫華  
願言鳳羅盟畢世驅塵邪循奉藥珠戒期之飛太霞

上青宮

瓊臺橫紫霄上有縹緲居雲霞抱窻戶日月循庭除  
飛羽下金輦隱芝吟玉書俯首視人間人間臭如帑

張少愚書院

澗水侵斷橋車馬不得通飛嵐積庭礎秋蘚垂紫茸

窻紙爛溪雨簾衣折林風主人殊未歸使我烟景空  
誓鬼碑

正一受天錄腰垂神虎章群魔獄幽隱秘篆刻青蒼  
故事駭前志餘威驚大荒誰能識奧訣步學魁岡

天師票

天師携此種至自上饒遠當時十七樹高幹倚孤巘  
蒼蓬蒺藜大紫殼擯榔軟蜀部名果中推之為上選

孫知微畫

大古竒偉士精思獨於畫馳心入茫昧萬物赴揮灑  
當時一名重顧陸非爾亞卓哉青城筆妙絕冠天下

參寥九夫仗一一若神寫吾恐千載後是終無繼者

早晴至報恩山寺

山石巉巖磴道微拂松穿竹露沾衣烟開遠水雙鷗  
落日照高林一雉飛大麥未收治園晚小蚕猶臥斫  
桑稀暮烟已合牛羊下信馬林間步月歸

楊山人歸綿竹

一別江梅十度花相逢重為講胡麻火鈴未降真君  
宅金鈕曾盟太帝家道氣滿簪凝綠髮神光飛鼎護  
黃茅青驪不肯畱歸馭又入無為燕曉霞

閑遣



庭竹擁高叢移床就好風掩門休務外隱几坐忘中  
世事无何物人心了即空客來休借問此意浩無窮

睡起

寥寥公館靜門掩似山家竹簟屢移枕石盤頻浸花  
閑多新得策事少早休衙一覺高春睡誰來伴試茶

梅

寒梅引舊枝映竹復臨池朶露深開處香聞警過時  
凌兢侵臘雪散漫入春詩贈我歲寒色憐君冰玉姿  
未泰劉令清曦亭

木杪照初日捲簾知曉情軒窗無限思圖史有餘清

露下濛花重風來泛竹輕何須嫌五斗特此謝淵明

貧居

繩床擁敝裯初起髮未櫛南窗展書卷就暖讀寒日

門前絕車馬薄暮垂片席短牆挂纖蔓幽鳥啄紅實

羣蝸惡積雨繚繞篆空壁男兒處貧賤舉首宇宙窄

翩翩槍榆鳩宛轉匿絮蟲妻奴競相咲憔悴守文筆

惜花

胡蜂採花花氣薄黃鳥啄花花藥落林風吹花花片

亂池水浸花花色惡少年惜花會花意晴張青幃雨

油幕勸君直須為花飲明日春歸空晚萼

正女吟

身外無一簪何以供鉛華飾行不飾容濁水白藕花  
藕心亂如絲妾心圓如珠絲亂端緒多珠圓瑕額無  
焉得偶君子奉之此高節所生須至親此意安可說

莫折花

莫折花花好亦自喜勿謂花無言請以君心酌花意  
君容待花轉豐艷花因君愈憔悴莫折花任飛地但  
對春風倚芳樹長遣香英伴君醉

織婦怨

擲梭兩手倦踏籜雙足趺三日不住織一疋纔可剪

織處畏風日剪時謹刀尺背言邊幅好自愛經緯密  
昨朝持入庫何事監官怒大字雕印文濃和油墨汚  
父母抱歸舍拋向中門下相看各無語淚迸若傾瀉  
質錢解衣服賈絲添土軸不敢輒下機連宵停火燭  
當湏了租賦豈暇恤襦袴前知寒切骨甘心肩胛露  
里脊踞門限叫罵嗔納晚安得織婦心變作監官眼

野花歎

昨看百草抽新芽今看百草開新花岩隈水側自成  
列紅醜紫賤何交加東皇施恩豈不溥隨所付受無  
少差爾之瑣細亦蒙被盡使奮發爭春華織叢密蔓

不可數競起塗抹如矜誇妖鶯治蝶不爾顧去爾自  
欲尋名葩爾知有艷貴爾否歌管匝樹侯王家爾徒  
此地弄顏色只自狼籍隨泥沙何當照水自窺覽枝  
赧菜惧相藏遮晚村無限矚殘日索酒為爾成吁嗟  
里香均逸亭普州三亭  
亭宇跨城端新苔磴道盤風光晴水石烟景暮林巒  
薄領仍多暇賓從每盡歡何由掉塵鞅聊問借闌干  
父毋東溪亭  
短約逶迤渡高欄天嬌沉波光環堵淨日色綵梁添  
萍荇翻金鯉蘭若起翠禽主人公事簡時此照清襟

碧崖亭

斷巘涿溪邊危亭翠壁前軒窻誰是客詩酒自稱僊  
遠壑春藏雨長波晝起烟吏人休報事高興正陶然

送郭經知縣

役役送歸客短亭垂柳風離樽掩殘日去騎若輕蓬  
百里謳歌內三年畏謹中鄉人問蜀物笑指一囊空

過祿氏山齋

過水得憑檻滿川暮夕陽江山逢勝絕手筆恨荒唐  
城郭蒙籠近汀州杳靄長明朝又東去塵土入衣裳

題李處士月軒

圓蟾噴金波萬里灑清滴幽軒得虛敞皓彩溢素壁  
繩床有高隱苦調起岑寂盈襟納孤光靜與爽氣敵

余過吳州太守范侯延之於東池晴壁亭且

道其所以為此池亭之意使余賦詩

鄭谷題詩處荒涼不復知使君來問日景物歎歸時  
崖巘供清溜亭臺繞翠漪主人憐過客借與傲炎曦

蒲氏別墅十詠

風交蒲葦亂烟斷鳧鷖飛日暮一笛起扁舟垂釣歸

右方湖

軒窗曉吹清枕簟晴光冷亭上逍遙人滿身搖水影

右臨碧亭

逼簾呈素艷入座薦清香何以陪暑飲對之飛玉觴

右白蓮堂

曉靄滋花色晴輝發水光何人露新纈不管著秋霜

右芙蓉溪

積水自瀾淵來源常汨汨岸上翠禽對人時一沒

右魚池

紫蓋嫩貼水玉梢長刺沙避風紅出沒驚雨綠交加

右蓮池

溪光搖玉壁雲影涵金甃誰此伴高吳畫橋憑曲欄

右清澹橋

決水轉橫渠交騰畫方罨秋風報秋熟滿頃吹罷亞

右稻畦

高臺按虛境飛駕羅太空小兆佩神虎每來清夜中

右朝真堂

深深鄭真谷小小焦光盡借問貯何物滿床猿隱書

右草庵

三卷終

石室先生丹淵集卷第四

文同著

詩五十一首

蒼溪山寺

正午風色高遂泊蒼溪縣層崖抱林木有寺藏葱蒨  
出舡步危磴蔭密頰縈轉上到金僊家緣空列臺殿  
脩篁掛懸溜坐覺炎暑變老僧曉經論言語何貫穿  
引我上高閣闌干俯江面寥寥百里內山水盡奇觀  
誰謂羈旅中所見哉所願汀州白鳥聚井邑青烟散  
樂此暮忘歸疎鐘起岩畔徒倚下松門尚怪舟人喚  
五里三灘

群石壅水成哀湍五里之地凡三灘舡如走丸勢不住力敵萬弩雲濤盤門窻掩塞怕飛浪已倒床座翻盃槃長年三老色自落挨眼不敢窺波瀾梢渦撇漩出九死衆命幸免魚鼈食湏臾出纜繫高岸競以好語相慰安是時左右有覩者應亦為我心曾寒

智公漚

晚泊智公漚船頭餘落暉携家上岸行爰此風滿衣村巷何蕭條四顧烟火稀問之曰去歲此地遭凶飢斯民半逃亡在者生計微請看林木下墻屋噉空園好田無人耕惟有荆棘肥至今深夜中鬼火流清輝

衆雅聞

此語競走來相依錯莫驚且哭牽挽求速歸

吳郡王

王會之秀才山亭

盤盤翠城山君在城中住溪流第縈轉岡勢復回互蒼林無春冬啼鳥常且暮漠漠嶺頭雲霏霏岩底霧中間列亭榭佳景實天付物象味自然人巧誰能寓浮生歆何事有此即樂處况君弟兄賢信道各已固詩書誨兒姪觴豆燕逢遇敢問被簪裾何如此中屢謝友人寄畫

客從長安來厚紙封小軸題云此奇畫寄贈公可蓄開之掛高壁爛絹止一幅中有兩駱駝氣韻頗不俗

大駝載半斛正面頸愈曲小駝方就乳蹲身脚微跼  
一馬立其後才露頭與足三犬乃子母共臥啣鬣肉  
老胡抱朱旗狀貌何狠悞端然立高岸勢若不可觸  
定是虜中酋華旃蓋鮮服不知何所來隨從無一僕  
初誰作此畫精妙亦可錄應餘右方在次第不止獨  
更願君訪來我肯萬錢贖

夏日閑書墨君堂二首

先人有弊廬涪水之東邊我罷漢中守歸此聊息馬  
是時五六月赤日烘遙天山川盡慘燥草木皆焦然  
塵襟既暫解勝境乃獨專高林抱深麓清蔭密石綿

曾岩敞戶外淺瀨流窻前邀客上素琴留僧酌寒泉  
竹簟白石枕穩處只屢遷忽時乘高風遠望立雲烟  
野興極浩蕩俗慮無一緣氣爽神自樂世故便可捐  
却憶為吏時荷重常滿肩几案堆簿書區處忘食眠  
冠帶坐大暑額汗常涓涓每惧落深責取適敢自便  
安閑獲在茲况若夢游僊行將佩守符復爾趨洋川  
山中豈不戀事有勢外牽尚子願未畢安能賦歸田

其二

歸來山中住便作山中人冠帶亦自閑累月不着身  
散髮層岩阿濯足清澗濱石蘚黏簡冊松風墮衣巾

鄉里多舊游不厭過從頻山肴與野釀待我如佳賓  
有召即走赴愛其愛我真常恐禮數乖取問吾交親  
正此一夏樂忽茲違蕭辰還愧擁千騎又走西道塵  
送馮允南倅梓

去年父老送督郵衣上淚痕猶未變今年吏民迎別  
乘馬前帷聲挽不斷梓州城中十萬家家盡喜見  
君面以君鄉里最相近物態人情素諳練況復才力  
強且明中理之的無漫箭從來府政號少事今更得  
君愈清簡太守李公詞掖  
淘汰心源無滓澱時携  
賓從訪山寺惟以高譚侑清宴蒼崖素壁多自書是

處新書  
題欲遍君今到彼亦爾為異日唱酬知幾卷

常會  
宿東山村舍  
是秋粟為白蟲所食  
蟲復為群鷓所食  
食亦賤之

八十雪  
眉翁燈前屢欵欵問之爾何者不語惟拭淚

良久云  
老矣未始逢此事種粟滿川原幸已替茂遂

喜聞欲  
登熟近復失所莫有蟲大如蚕日夜嚙其穗

群鷓利  
蟲食剪摘俱在地驅呵力難及十止餘三四

供家固  
未足王稅何由備堵土耕至骨所得幾何利

又令遭  
此禍不曉上天意在世幸許年必以饑饉死

聞之不  
敢詰但愧有祿位移燈面空壁到曉曾不寐

季夏已亥大雨



黑雲推空天地昏風勢猛惡山岳掀怪電燒蕪嗔霆  
喧鯨海起立星漢翻玉竿銀索傾餅盆豪威怒力凌  
軋坤川陸浩渺同一源泛濫直欲浮高原澗谷洶湧  
龍蛇奔溝渠溪壑相吐吞土肉剗盡惟骨存漂蕩秋  
稼無一根天生蒸民主仁恩覆露養育生理蕃誰持  
害鑰開禍門絕滅黍豆災元元無路能去陳九閭此  
事是非安可論

謝任遵聖光祿惠詩

常念文選詩最愛顏光祿君今作此官詩亦顏之躅  
尋常得君詩如隼飢見肉凡當憂憤際不可不取讀

我自山南歸幽居值炎溽六月久不雨萬物蒸煑熟  
正在墨君堂流體汗可掬單絺與圓素豈解療煩毒  
聞君有詩至猛起捧大軸拆開得累紙半月了一幅  
使我困病除如藥清頭目把詩坐前軒憤惋幾欲哭  
君也實高才徑庭無馱曲六十尚為縣不自耻碌碌  
近聞移小麾所用愈局促安得長康莊走此老驥駮  
哲士甘藜藿鄙夫厭梁肉天理不可問長吁倚喬木  
有客來山中云附瀘南信開門得君書歡喜失鄙吝  
筠籩包荔子四角俱封印童稚瞥聞之群來立如陣

競言此佳菓生眼不識認相煎求拆覩顆顆紅且潤  
衆手攫之去爭奪遞追趁貪多乃為得廉耻曾不

問

喧鬧俄頃聞咀嚼一時尽空餘皮與核狼籍入煨燼  
吾士牛霹靂六月四日有父子被震者

君不見前時忽疑天地坼萬里一声晴霹靂彼某氏  
者爾何人敢自欺誣被誅磔子爛華容神火燎父碎  
梓潼灵礖劈惟震與曜今曉然誰對君親肆姦淫

後溪

新晴揉藍染溪色我爱常来坐溪側一林竒石宛如  
畫兩岸野花殊不識蟬鳴盡日競何事鷺下多時猶

未食細觀物理須靜中歸去無辭更昏黑

黃功垂秘書嵐城閣

群峯繞高軒四望如城密晴嵐逼窻戶淨若新洗熨  
杳杳其中人衣襟照寒碧臨風設橫几蕭灑坐終日  
門前車馬道擾擾亂如蝨轉眼不復覩長歌傲簪紱

鳳山古祠

林木摧折堂廡傾其中壖像猶縱橫狂巫騰踏野老  
拜瘦雞薄酒邀神明形容詭怪蛇虺亂声音醜惡鴟  
梟鳴災牛禍犬亦可作世有此事何由平

靜中吟

客去復掩戶高松下清陰微風動其間對語雙珍禽  
幽人獨凭几聽此古意深起來南窻下被以朱弦琴  
彈之代佳話俚耳誰知音

送黃庶先岷州赴舉

朝廷取士及姚西君今去就岷州薦男兒致身自有  
地六月萬里君莫憚君也經術三十年此發必中后  
羿箭声名大抵重文章慎莫便從班定遠

大熱見田中病牛

壠上病牛良可悲皮毛枯槁頭角垂兩鼻給飼只自  
喘四蹄劣炭曾不皮牧童默坐罷牽挽耕叟拱立徒  
嗟嗒朝驅暮使氣力及爾死主人安得知

呈里中諸友

君莫怪我不讀書君莫笑我不飲酒更精文史豈足  
用漸老懽娛復何有負郭安得二百畝舉家已聚三  
十口且來伴我數月閑未幾區區又西走

寄彰明任光祿遵聖

軒軒任公子本是釣鼈人手把虹蜺竿一舉百萬鈞  
得鼈謂無用坐卷千丈綸却自結蚯蚓淺籟收纖鱗  
悠悠世上兒不識此有神但將俗士眼下視穷水濱

自西庶先北谷

路自西溪入園當北谷開月亭詩作客雨館睡為媒  
摘菓衣露露尋泉屐漬苔閑居正無事莫問我頻來

謝王庶軻秀才見贈諸篇

覽君山中詩多有贈我篇感此意愛厚使我將潛然  
世態日衰薄交道君獨全豈若賤丈夫心醜貌甚妍  
我已嬰組紱君方傲林泉出處雖有殊所樂同一天

前溪獨遊

溪水碧溶溶紆餘短約通小灘晴靄外獨鶴夕陽中  
倚仗對清瀨披襟當好風幾時歸在吳長下釣魚筒

書綠帷亭壁

喬木繞舍如綠帟群山四面寒參差春禽入秋啼自  
別早雲到暮歸常遲庭前好菊勸飲酒案上佳紙邀  
吟詩閑居數月只便野渾忘簿書相聒時

青山道

冥冥青山道叢木舍古烟遠客事行役未晚不敢前  
乳虎正養子采食大路邊但顧已所急其誰辨愚貧

野老

野老扶白頭耕墾事田壠豈無見與孫凍餒實我恐  
地產止數出財用知幾種食肉与衣帛貧者何言冗  
誰氏子

縹緲誰氏子學道要昇仙人世豈不樂何苦求上天  
反首顧我語子豈得謂貧智如撲燈蛾其就膏火煎

秋興一首

晨風吹茂林夕露下芳畹秋容變憔悴復此白日短  
蕭蕭歲華暮冉冉節物換浩歎倚前楹使我心曲亂

其二

百蟲感秋陰入夜聲更切問爾苦何事到晚啼不歇  
盈庭不可止蒹葭藏萬穴會是天使然相將送凋節

書平泉草木記後二首

衛公當國日力与天地均平泉植草木取尽四方春

海嶽欲必得亦能役鬼神可笑身未冷已聞屬他人

其二

公豈不聰明嗜好乃如此若非以私餌是物安至止  
彼致者何人定非端潔士草木固為塵醜名終未已

重過舊學山寺

當年讀書處古寺擁群峯不曉歲寒色可憐門外松  
有僧皆老大待客轉從容又下白雲去樓頭敲暮鍾

書隱者壁

枳棘分三徑猿猴結四隣茂林脩竹地白石激流人  
看雨楮藤杖迎風卸葛巾我來懷愧甚衣上有紅塵

訪古寺老僧不遇書壁

寂寂復寂寂門前苔蘚積巾鉢定何之禪房封屈膝  
蛛絲網窻戶蝸涎篆牆壁欲去重遲留空中望歸錫  
村居

日影滿松窻雲開雨初止晴林黎粳熟曉卷兒童喜  
牛羊溪澗下鳧雁寒塘裏田父酒新成餅飧饋隣里

宿田家

生

日落雲四起牛羊下高原今夜宿何處孤烟宿遠村  
寒寥岩狖響擾擾林鴟喧危坐欲終夕此意將誰論  
大熱

大熱早復暮幽居如火圍更無風稍快只有汗頻揮  
袒露憂生客沾濡怕熟衣何當生兩翼直近廣寒飛

閑樂

晝睡忽過午好風吹竹林溪雲生薄暮山雨送微涼  
粉裹衣裳潤蘭薰簟席香歸來閑且樂多謝墨君堂

寄楊歸一

出處久異矣居常勞所思烟霄惟子未鬢髮已翁為  
世故豈須問人生當自知林泉聞幸好足可樂明時  
行李載書成誅

於世已無用何苦愛讀書自咲身許大所處如蟬魚

編簡補斷爛卷軸收殘餘又鎖十餘篋作數隨行書  
還友人詩卷

作詩所患格不高君今已得詩中格吾鄉風物最清  
麗君向其間作詩客定餘絕景在幽深更欲煩君用  
刀尺

上亭北軒對月吹笛得才元舍人昭華引醉  
霜月草堂吟皆詩譜也 三首

漱灩金波瀉碧空隔窻寒點下征鴻夜深一笛昭華  
引吹滿千岩萬壑中

其二

群山暝色烟開後遠水寒光雨過時今夜何人醉霜  
月臥聽緜緜嶺玉參差

其三

涪江東岸有雲林巒嶺縈回澗谷深何事遲留未歸  
去強顏猶唱草堂吟

苗子居邇判歸宿州同赴武康西縣道中奉  
寄二首

霜風舞征袂有客去符離斜谷雪晴後曲灘水滿時  
亂山誰對酒孤驛獨吟詩不得陪清絕悵然空所思  
其二

漢中爲會失兼程  
兩雪曾無一日晴  
物項橋頭聊立  
馬使車應已過褒城

孫懷悅紙本亂石

孫老抱竒竿  
臨紙恣揮灑  
從頭掃亂石  
礫砢隨墨下  
焦頑與圓潤  
無一不精者  
誰信萬鈞重  
卷之不盈把  
熙寧辛亥歲  
春予自京師  
赴陵州因過  
家省墳墓是  
時見所居東  
西長衢比戶  
競取榆栽  
列植於官道  
左右者後移  
與元滿替復  
歸待洋州關  
始四年爾而  
榆已高大繁  
茂深密可愛  
予正得此過  
一夏旦夕與  
諸親友優游  
於

其間蒙死享矣  
因作詩示諸君

昔我去守陵陽日  
門前夾道初種榆  
今年我自山南歸  
向椽大者皆柱麓  
兩邊合陰若海洞  
滿地清影繁如鋪  
是時暑氣正炎酷  
無處容此煩病軀  
晝捶清風夜篩月  
日日不可離  
群株閑邀親友坐  
其下左右間設琴  
與壺人生適意乃  
爲樂此樂已恐他  
更無霜飈未起枝  
葉在且與諸君同  
此娛

旱雷

夏旱亦已久  
衆懼非常災  
茫茫大田中  
赤風起炎埃  
密雲徒滿空  
甘澤竟不來  
但聞南山下  
日日喧怒雷



久不雨喜見晚雲  
晚雲萬丈如銀山日光透射紅孱顏莫誇突兀在天  
上且放霧霓來人間雷公施力已憤怒風伯壞事休  
庸頑我將待之至夜半慎勿更似前時慳

四卷終

石室先生丹淵集卷第五

詩五十一首

賈佩蘭歌

文同著

綠髮憶新梳君前侍玉壺相隨五色鳳飛止帝宮梧  
鳳時入紫烟一舉萬羽趨乘風恣教盪衆首傾雲衢  
帝既天上行留鳳不與俱鍛翻下永巷髡鬣編鉗徒  
赭衣春且歌北望鸞鷲呼凜凜亦喙鳩一盃死其鷄  
鳳亦飲瘖藥鞠域支体殊娥姁豈不仁幸此全賤軀  
歸來南山下秋風裂羅襦寒床覆龍具霜雪侵飢膚  
忽自感時節臨風只長吁徒懷掖庭事飲泣對民夫

徐太元

彼徐太元者杭州之叅軍同僚曰張惠犯賊抵溪文  
徐哀其母老詣獄輒自陳謂惠所受賊太元本同分  
今儻獨坐惠此獄無乃冤均之不滿惠遂減死論太  
元亦坐免不調十餘年西臺李侍郎典選世所賢聞  
徐之所為特以不次遷擢授鄭司功太元名始傳後  
為申王師德行人推先嗟哉後世人息義日不完初  
既同職事言色殊相歡諂酒與佞食旦夕同杯盤一  
有不得意艱險立萬端推之入網羅又以毒箭攢昂  
然了自得銜露其術全此等雖曰人犬彘曾豈然眼

見與耳聞天下何可言我今作此詩中有二義存欲  
使在位者此風幸相敦勿令有識人命爾為蝎虻又  
欲彼正士為國掌三銓須察此惡子廢斥入冗負自  
然此浮薄不長其姦根覽者請味之勿罪其言煩  
蓋寬饒

次公清而狂其本出天性惜哉公庶負不以儒術正  
陷害公峭刻奸犯語堅勁在位及貴戚合然仇怨盛  
稀遷愈失意躁戾因以逞王生識其趣勸以全壽命  
胡為不開納封事轉凌橫五帝官天下此語豈君所  
上怒以不改章下求衆定確然金吾奏直以大逆訂

雖為鄭昌頌萬嫉掩一諍遂爾屬諸吏羞復受笞榜  
行當北闕下輒引佩刀到時雖衆所憐終為端士病  
諸葛豐  
少年名特立初為貢公起元帝擢司隸刺舉無所避  
間者何久濶京師語如此馳車下許章去節自豐始  
上書摘章惡此舉誠可喜柰何少恩怒春夏常繫治  
人多訟其短遂徙城門尉復列堪猛過上為之切齒  
制詔白其罪不忍下豐吏豐初在朝時數道堪猛羨  
失職乃自取不內省諸已反感怨其他轉吝以為毀  
不欲加以刑上憐之老矣庶人終於家反覆豐可耻

新津退思堂

三江古劇邑入籍生齒夥詞源百端起  
區處不可情  
子醇為之宰幽隱照必破斷事精且密  
有若凌歷礪  
尚惧忽一失退即此堂坐戾者思改易  
無使下罹禍  
如此凡二載不識有纖過貧執令之師  
敢以此為賀

墨君堂晚晴凭欄

墨君堂中看新霽十里平林鋪淨綠青  
烟一去抹遠  
岸白鳥雙來立喬木戴勝入園蚕已老  
粟畝過隴麥  
將熟坐待月破東嶺雲自取簾鉤更高  
軸

山舍早起探晴

山鳥轉晴日獨行風滿林澗花薰野袂  
側石驚新滑垂蘿爰近深蕭然此清只  
不似戴華簪

東谷獨往

久不到東谷晚晴欣細履陰陰夾路木  
幽澁界屏粉亂啄刻窻紙兀坐忘所歸  
烟雲逼人起

西嶽道友

西嶽入深窅幽茅藏隱仙虛窻畫雲篆  
絕巘聳玉榦危岩瀉珠涎相畱鉢青飢  
淨几校灵編  
人世凡幾年

送李野夫兼簡公擇學士同年

吾友野夫官滿歸峽中風物正春時莫  
因道路起長

歎且對江山吟好詩異日滑臺君若到  
寄言別乘我

相思声名已重更論底但引冰堂金屈  
危

任居雲棲枝閣

我我仙鸞山杳杳山上閣道旁問耕者  
居雲之所作

居雲個儻士韁鎖不可縛讀書三十年  
謔論寫不涸

縱橫入衆藝深曉不止畧自笑與世踈  
回首念岩壑

安排事幽隱終老期此託結茅層巒巔  
退比籬下雀

棲枝榜其號意豈羨鵬鷲時茲入岑絕  
寄憤滿寒廓

江風拂危欄澗月滿踈箔獨橫溜琴居  
雲琴名遠意

追淡泊蕭蕭履攔隱隱天外落履霜居  
雲之所彈者

飄揚雜仙籟泛響度林薄其誰共高具誰此猿與鶴  
願言解塵纓一赴方外約

朱康叔即中棄官求母於金州因會華清宮  
作此詩送之

蟠桃實在枝蟠桃花已飛相隔五十春一旦還相依  
康叔視金龜解去如糞土徒步入堯關金州取其母  
古人亦有此比之康叔難幾時有古人能如公棄官  
玉違仙宇中相會談此事使我發驚歎遠晚不能寐  
借問侍安輿輦下何時過我欲率諸君扶服詣問賀  
蓬溪蘓令均利泉

潛流蔽荒壤嘉惠鬱所施邑人念遠汲視此無以為  
蘓君作之令大利收前遺一日會衆鑄茲焉發清漪  
既已誌新甃瓶缶何粟粟盡言彼汗濁豈爾同并滋  
比戶獲美飲頌君歌一辭何以紀君德是泉無涸時

宛婦行

婉婉西隣女韶顏豔朝霞淑性自天與少小傳令嘉  
孝愛親黨重巧慧閭里誇其母最嬌憐看看眼下花  
自從掙冠笄未始離窻紗讀書佩箴戒舉止無纖瑕  
求媒不自審得婿非良家如以瓊樹枝使之並兼葭  
憶初行嫁時遺贈矜豪華明珠蹙桂裾雜寶裝簪加

餘資詎可數但較輦與車其姑本寒種貧堅常餘  
得婦不問好求索惟無涯侍奉四五年叫物惟鴉  
百欲一不應用毒同虺虺豈惟被詬辱抑亦遭笞  
馳使執賤役課責日夜加手指不禿瘡鬢髮仍影  
一旦不任事病骨枯若槎委頓臥在床尚爾磨怒  
既死亦不顧但恣攫且孥聞之道路人涕泗而咨嗟  
養女擇所適此事寧輕耶家法要相委在通不在  
媵禮貴得中尚約不尚奢尊章若慈仁至死甘苧麻  
請看西隣女一失千里差

林居

宿髮未暇梳林居且辰詣鮮暉散清滴濕濕滿衣袂  
仄行蓋前礙傾視因遠翳野意浩盈懷曾忘傲公退

墨君堂

嗜竹種復畫渾如玉掾居高堂倚空岩素壁交扶踈  
山影覆秋靜月色澄夜虛蕭爽只自適誰能愛吾廬

鑑崖山居有青崖平滑如鑑

層崖瑩青瑤冷滑不可捫秋光發淨照林影搖晴暎  
飛瀑滌吟肺垂蘿清飲魂惟憂漬愁霖碎蘚來相痕  
宿超果山寺  
荒途涉沮洳危嶺升坡陀愛此清淨居不倦來徃多

山僧見余喜顛倒披乾陀引我坐前軒山果丹碧羅  
食已步野徑新柔踏晴蒨石枕古稜依松執長柯  
是夕乃宿此東山吐圓波夜久不能寐禽蟲伴幽哦  
達旦鳴落葉固非俗士歌岩猿與谿鳥應笑頻經過

富樂山海師

上人者何人富樂之禪客成都昔嘗見時已坐法席  
別來二十年嗟此出處隔昨過芙蓉溪捨檝得携策  
盤盤轉危磴上叩金仙宅林間識孤標梵眼老愈碧  
引我翠壁下莫若拂蘚石問之第二月雄辯發古譯  
無由從之遊不得蒙久益翻然入塵闈俛首愧名跡

彭州南樓

百尺壓城端飛簷欲上搏湖光搖埤堦山影轉欄杆  
秀野含春煦喬林擁暮寒回頭大嶠雪千仞玉嶺屹  
大慈交師演古軒

萬法一軒中周回百座容曲燃簷畬久橫揭貝多重  
信士供晨鉢門人集午鍾何時听雄辨幾柄換庭松  
新晴後溪樹陰灑然覽景成韻

雨後溪水急晴光鬱如浮高林放繁陰黹黹幢蓋稠  
麥熟桑葢好撩亂黃栗留啾啾動新凋局局啼乳鳩  
晚策貪靜境緩帶成獨遊照影俯回淵濯足臨漫流

願言懷世慮逐此蕭灑休定知今夕夢不作塵土憂  
黃秀才此郊書堂

吾邑固僻陋巉巉合群山苟無貧者居孰能營幽閑  
黃子治此郊勝絕收其間長溪斷谷口囂譁隔塵闌  
始至甚夷曠漸往頗險艱洞穴烟雲昏澗壑松桂環  
幽芳自芬馥野卉常綿蠻繚繚桂絕壁孤豹飛遙灣  
氣象奪天奧景物搜鬼怪築室貯群籍軒窻面孱顏  
朱黃列几按坐把古穴剛自取天爵高下視五兩綸  
處心固已定詎恤時輩訕伊余素無似謬入文墨班  
前得省親歸屢此客追攀時亦竊講議始蹈賢聖閑  
譬之拉虎豹所得纔一斑自愧鄙樸姿得涉道誼寰  
余亦有東谷對此何格頑每來輒盡日須步明月還  
讀楊山人詩

秋高群山空衆籟吐天竅霜飈擊林野岩壑起哀詔  
蕭蕭寒月下合若萬鬼嘯疑是太古魂啾啾此中弔  
山人住中巘側耳得清峭諧之入文字滿卷冷雪照  
其声太淒楚勁澁啖古調俗尚正淫靡惑者自夸耀  
山人持之歸無乃取衆譙會有知此音相逢當一笑  
已師竹杖

已師杖竒竹坐亦不去手循摩瑩且賦瘦骨何蚬螺



叢枝抱奇節兩兩相對走尋常出孤梢上下分左右  
如何此獨異天產固非偶師初得之誰此實世未有  
不為師所用亦共衆植朽願師勿棄置珍之比靈壽

晚至村家

高原磽确石徑微籬巷明滅餘殘暉舊裾飄風採桑  
去白袷卷水秧稻歸深葭繞澗牛散臥積麥滿場雞  
亂飛前谿後谷暝烟起稚子各出閨柴扉

雨喜客過

積雨無所詣十日不出屋故人念端居牢落如槁木  
高軒過窮巷下馬相慰沃載酒酹楊顏裹飯飽桑腹

日暮從者還尋舊書讀

墅居

不復入城市亂山圍一村雲霞供几席水石佐琴罇  
病久筋力緩眠多頭目昏無人來谷口苔蘚上松門

東窻

叢榆落碎鈿蔓柳撲輕綿麗晚暗紅霧曲堤橫翠烟  
嘉樹正陰合好禽新語圓東窻日已滿猶託隱囊眠

大雨

驚雲駕長風大雨灑九有崩騰百川倒豪怒一雷走  
茫茫草木亂隱隱岩谷吼高閣晝眠人覺來但支肘

芥歎

清霜入寒溪水迹落一尺飛沙上芥菜脆卷如燎炙  
孤根抱生意春澤守遺瀝願奉野人薦充君盤中實

憂居

憂居向山林蟲鳥日為伍形骸乍摧剥骨肉慣辛苦  
蔬盤羞客至病榻厭人語地僻誰往還閑門閉深雨

任氏鳴璫橋

清溪漱碧崖衮衮寒声落子川愛溪声架橋橫絕壑  
山風撼松月倚檻聽噴薄遂號曰鳴璫古人無此作

過友人谿居

籬巷接菰蒲閑扉掩自娛水蟲行挿岸林鳥過提壺  
白浪搖秋艇青烟盖晚厨主人誇野飯為我煮新蘆

江上主人

客路逢江國人家占畫圖青林隨遠岸白水滿平湖  
魚小猶論尺鷗輕欲問銖何時遂休去來此伴潛夫

詠月

見說樓臺滿玉波中間惟只鎖嬌娥可憐八萬二千  
戶每到缺時爭柰何

五十

生平魯不事悠悠倏忽年華五十秋宦意文情俱淡

泊可憐 渾似李蒙州

攬照

耻將衰 晚競青春強 把圓波拂曉塵 自笑年來鬢鬢  
白玉昭 不解作官人

梁景和

隋氏廷 中列百官幾人 風節動朝端 越公事勢炎如  
火 獨有梁毗會忍寒

何桂林

十萬餘 工造羽儀夾堤浮浪去 參差堂堂送入江都  
去 渾忘當年攬頸時

傲吏

管馬心 何在排車意 自閑問時將手板 柱頰對西山  
錦屏閣 閩州東園十詠

清風臺

茂林斑若錦 秀嶽轟如屏 底處供登覽 闌干在杳冥  
無時來見襲 有地更臨高 坐客清談起 紛紛落塵毛  
四照亭

柳橋

畫箔褰何礙 珍叢發已圓 願公皆遍賞 莫為一隅偏  
接風誇晚態 垂兩怯春寒 為問題芳意 同誰倚畫欄

曲池

水似朱璫入池如玉磬開臨流唯自造魚鳥莫相猜

明月臺

微稜生海角圓魄到天心共上唯佳客無容照俗襟

三角亭

合棟交生角回欄互引牙由來因地勢不是故尖斜

花塢

繚繞穿紅萼爛斑踏紫苔誰將錦步障端為使君開

藥欄

玉笋齊抽日金缸競列時自然俱可愛莫放畫簾垂

即中庵

已築環為堵仍裁月作床公來時隱几身世在羲皇

五卷終

石室先生丹淵集卷第六

文同著

詩四十首

和仲蒙石龍渦

群岡壓涇湄於此聚衆首其間石屋露遠視若呀口  
林端躡絙上却入勢愈斗圍空豎古壁闊可百人受  
洪鍾誰倒仰巨甕忽側剖層岩寒泉飛絕巘怪樹走  
陰風喜復怒野霧吞且嘔晴嵐逼衣襟欲住不得久  
嘗聞耕者說自昔藏蚘螻當年救旱事有記刻不朽  
近歲靈恐歇百禱無一偶至今閭里人不復來奠酒

和仲蒙山城

大曆年忠武居幽捍通氏盛平民營板堵斷賊閑远  
蹊連櫓橫朱鳥飛墻切紫霓縈紆園絕巘靡迤附深  
谿外瀆池隍險旁聯堡障低轅輜防藺石埤塊礙雲  
梯樹杪鳴巡鐸崖端響守鞏石頭何培塿龍首太醯  
雞歲久蒼苔上時平白草齊全秦襟帶地惟此壯山  
西

和子山春日雨中書事見寄二首

菀菀冥冥雨氣沉一春長是詠春陰鶯歸盡棟簾櫳  
靜鷺下雕欄院宇深闌草玉釵應復約看花金勒悞  
重尋謝郎風調將誰奈獨倚書床擁鼻吟

其二

青春已破六十日正好共携歌管遊鶯花有意欲惱  
亂風雨何事相淹留南園絲柳映綠樹西湖畫舫臨  
清流幾時雲陰得歛霽願把一罇相獻酬

馬子山為余與賀順之書記李仲象察推同

年同幕作題名記復有詩督程適之書石余

因和兼謝

太常舊得同科第幕府今還次姓名你記馬周文已  
贍書丹程邈隸尤精定知二美能傳久從此三家覺  
轉榮每對雄詞覲健筆自慙孤迹附群英

官舍春日書懷二首

自趨戎幙佐  
鞬橐四見新  
陰發舊柯學  
飲不成歡意  
少好吟無倦  
苦心多舞傷  
池柳風圖甚  
泣破庭  
柰何敢對青  
春歎留滯且  
須開口更狂  
歌

其二

琵琶泉水碧  
溶溶又見春  
歸玉柱峯歡  
緒已闌羞老  
大交期將近  
懶遊從杏開  
暖萼融紅螭  
柳放晴花折  
白茸賦得上  
林佳景盡不  
知誰為薦臨  
叩

登邠州城樓

試此望搖落  
秋襟成惘然  
客懷傷薄莫  
節物感窮邊

斷燒侵高壘  
微陽入晚川  
年來舊山意  
常與鴈翩翩

秋盡日陪諸友登白佛閣

危刹隱高阜  
孤軒橫碧虛  
登臨賞秋杪  
笑傲樂公餘  
野外景入畫  
坐中歡可書  
重城已嚴鑰  
歸馬尚踟躕

極寒

燈火宜冬杪  
圍書稱夜長  
簾鈎挂新月  
窻紙漏飛霜  
酒醴慙孤宦  
皮毛逐異鄉  
誰知舊山下  
梅艷滿東墻

謝惠橘

細菜隱朱實  
纍纍繫楚江  
滋寒香摘清  
露奔走寄迢  
遞琳腴滿金  
鼓咀嚼想佳  
惠君未致此  
時風已吹削  
肺

風圖

因

官舍春日書懷二首

自趨戎幙佐鞅橐四見新陰發舊柯學飲不成歡意  
少好吟無倦苦心多舞傷池柳風圖甚泣破庭蘭雨  
柰何敢對青春歎畱滯且須開口更狂歌

其二

琵琶泉水碧溶溶又見春歸玉柱峯歡緒已闌羞老  
大交期將近懶遊從杏開暖萼融紅螭柳放晴花折  
白茸賦得上林佳景盡不知誰爲薦臨邛

登邠州城樓

試此望搖落秋襟成惘然客懷傷薄莫節物感窮邊

斷燒侵高壘微陽入晚川年來舊山意常與鴈翩翩

秋盡日陪諸友登白佛閣

危刹隱高阜孤軒橫碧虛登臨賞秋杪笑傲樂公餘  
野外景入畫坐中歡可書重城已嚴鑰歸馬尚踟躕

極寒

燈火宜冬杪圍書稱夜長簾鈎挂新月窻紙漏飛霜  
酒醴慙孤宦皮毛逐異鄉誰知舊山下梅艷滿東墻

謝惠橘

細菜隱朱實纍纍楚江蘼寒香摘清露奔走寄迢遞  
琳腴滿金殼咀嚼想佳惠君未致此時風已吹削肺



登山城書事

節物感羈旅連空生寒陰亂鴻寒  
猪遠群雀晚叢深  
霜重涇灘出烟高隴樹沉歲華  
徒自老幽憤滿登臨

送夏殿直時婚於李璋太尉

霜樹東門曉清寒滿客衣一樽  
從此別百兩幾時歸  
漆水魚初薦梁園雪正飛高堂  
今遠郡須念報春暉  
送錢規判官歸蜀觀親遂之岳陽

嚴風吹玉柱有客動歸裝古道  
轉危阪全家行曉霜  
休嗟遊薄宦且喜拜高堂會合  
知何所春江泛楚艎

和梨花

素質靜相依清香暖更飛笑從  
風外歇啼向雨中歸  
江令歌瓊樹甄妃夢玉衣畫堂  
明月地常此惜芳菲

山櫻

巖壁自叢叢年華寂寞中偶因  
移曉雨似欲占春風  
嫩葉藏輕綠繁葩露淺紅孤根  
知幸否從此對雕櫳

秋子

裊裊復翩翩封條壓樹繁群芳  
罪姊妹亂實見兒孫  
陰日臨虛檻披風拂短垣主人  
無奈爾常爲醉幽軒

桃花

種近短墻邊開臨小檻前倚風  
無限意笑日有餘妍

枝輒圍溪密苞穠墮碎圓祗應芳樹下時見武陵仙  
杏花

仙杏一番新妖饒洗露晨待粧憂粉重欲點要酥勻  
月淡斜分影池清倒寫真君須怜舊物曾伴曲江春

秋日寄呂永壽微中

落日照容谷寥然官署秋開簾臨絕巘凭几對寒流  
古意深中得詩中靜外遊三年多少景滿篋是冥搜

吟春

春工運潛巧是處有行迹庭梢發新穎巖溜融暖脉  
晴湖影撥刺曉樹音格磔須知玉峯下日有尋芳客

琵琶泉

險道入幽邃深溪轉岑寂蒼烟入孤岩秀石圍斷壁  
古蘚甃必潤寒泉灑清滴誰能厭塵襟茲可供洗滌

和子山種花五首

風流從事季長家逸徧官居種尽花應爲清才無比  
敵擬將文彩競春華

其二

碾薄穠圓粉色勻一枝寒艷惱青春曉來帶雨四廂  
下恰似蓬萊見太真

其三

曾宴瓊林爛熳紅寶津樓下看春風今朝忽向君家  
見猶憶當年醉眼中

其四

幾樹山櫻曲檻前花開如火菜如烟待將短句誇形  
似已被休文道欲燃

其五

新自涇州趁雨移便開繁萼擁芳枝紅霞照地清香  
起似到玄都觀裏時

和張屯田雪中朝拜天慶觀二首

款款遙空墮碎瓊一街寒色曉風清題輿想入蕭臺

下似駕飈輪向玉京

其二

寶幢朱節共玲瓏九虎嚴闌有路通遙望玉宸端象  
簡宛然身在廣寒宮

送酒與呂令荅野示詩二首

君無彭澤五十畝我有謫仙三百盃聞道山中足春  
意滿壺聊爲撥新醅

其二

見說西溪裏群花艷正繁不知紅影下誰共醉芳罇

初雪

一色陰雲蔽曉空  
粉英瓊屑亂茸茸  
不知遊騎將何處  
已失南城玉樹峯

對雪獨酌

雲陰低重玉花繁  
獨擁貂裘對一樽  
不語佳賓是何物  
古書名畫滿西軒

槐莊渡口

雲烟飄泊樹微茫  
一岸人家帶夕陽  
欲向高原便回首  
可憐風物似吾鄉

約春

去歲相違恨已賒  
今年相遇喜無涯  
紅情綠意知多少  
盡入涇川萬樹花

少盡入涇川萬樹花

和子山陰使君遊西湖三絕正月晦日

柳色遶堤金粉明  
湖光浮岸玉烟輕  
風柔日薄恰新霽  
正好訪春來此行

其二

遊騎翩翩從使君  
娛賓亭上宴西曛  
座中不用頻辭酒  
明日青春已一分

其三

滿眼垂楊照綠波  
就中春意此先多  
不將歌管酬佳景  
擬奈翠漪堂上何

探春

幽郊寒重勒春遲消息如今尚未知只是垂楊最先  
得每朝來覓向東枝

春寒

東風何事力猶微凜凜邊寒犯客衣舊雪未消新雪  
下南園春色幾時歸

六卷終

石室先生丹淵集卷第七

文同著

詩四十首

新秋讀書

高風發遠籟轉響為清高隆曦減炎威未晚先自涼  
庭前碧桐樹昨日聞早霜朝來逐菜上已暈一拂黃  
壯歲覺時節燿若翻電光自顧勿嗟惋徒然攬中腸  
官居辛少事署案日幾行公退清且閑垂簾坐虛堂  
解帶輒傲兀左右羅縑紉所務唯討論一燈從夜長  
貧士行

側身入窮閭跼影守環堵日高齒未嚼風勁肝犹露

胡爲迫凍餓此道吾所素出每駕雞棲歸仍伏龍具  
原生本非病董子蓋不遇誰將斗升水活此轍中鮒  
不見裏糧人欲死者亦屢徒自諷詩書區區立名譽  
言公年馮氏道中早行

畏暑事晨役高原動征羈遙遙歷廣博浩浩長風吹  
踈星才出沒河漢西南垂林端啟明上飛光發丹曦  
熒熒洒晴露百物含華滋爽氣入肝鬲宿濁無一絲  
寒泉漱清甘洗滌俗慮遺還憂火輪怒萬里燒雲陸

宿李同年蔭碧亭時自長安慮囚屬疾

抱病出煩閨投此青林閣高軒得清涼坐致精爽還

主人止之宿借與終南山中宵皓月起繞枕皆孱顏  
望久氣自清心胷無結頑平明又西走勝軌不可攀

李生畫鶴

昂昂青田姿杳杳在輕素一身萬里意雙目九霄顧  
彭彭羽翮利竦竦骨節露君初本誰學我恐必神悟  
得於想像外看任絕筆處稷筮如復生相與較獨步

幽州

春院陰翠靄低春庭寂曉光迷花間蜂去

抱黃粉苔上鷺來啣綠泥兩行高梧初蔭合一番新  
草恰生齊微禽已識幽人意飛下攔干向裏啼

過永壽縣

首年戎馬出南幽今  
日風光已大文雅於夜  
喧金府月靚妝春豔  
玉峯雲泉之柳色  
澗將滴水寒荷香  
遠更薰蓮後不盡丹淵集

烽火息高系開狐舊

將軍

書友人

惟秦抵行蜀間可歷

可憐急懷嚮美義

潛想丁馳之人探道

與求合常苦奇音

見乃可招納以相項

簾主白屈無絕出雲

在涯秋風勁况西首

勞所思

和仲家夜坐

危欄憑絕壑欲奈此時何但有夕陽處就中秋色多

與誰同徒倚空自發吟哦便覺成羈旅歸心逐鴈過

過高壘城

頽壁乍高低中間已亂蹊長原想鵝鶴大塚記鯨鯨

黯澹寒雲結蕭疎野草齊興亡盡遺迹立馬看扶犁

夏日翠漪堂

湖水碧溶溶寒漪四望通龜魚遊浩渺鳧鷖下虛空

爽氣吟窻外清光釣艇中一襟時自快多謝北軒風

春來少嬉遊俗事日相耗南園只城外累月不一到

花香雨後歇樹色風中老惟有崑下泉猶能滌幽抱

送張兢無悔秘校赴調

無悔富道誼卷藏無所施端笏拜上官十年走壻墀

和仲家夜坐

薄領初休几紫傷西

軒移枕卧前楹香院

蓄著紅芭蕉影入簾

暮年此意生不亦去便

丹淵集

卷七

卷七

三

二百五十五

哀同蟻門可居俱長  
見蠅爭日七景舒官  
事行莫厭頻來對一秤

西軒秋日

官舍蕭然似隱居  
一軒秋色伴恬心  
深藏  
留而樹木暗高  
灑之陽  
心離  
跡景物靜里  
水石光陰閑  
覺入園  
此心只與雲  
相信長伴  
吟魂繞太虛

和張中田秋夜望

峰東閣閣望  
直闕移危氣微陰  
凭  
之秋无  
空襟一道山

川寒之遠方家烟火

夕陽深注灘水落  
羣  
鴉集秦  
夜雲高  
斷  
雁沈此  
與涉  
須把  
酒可憐  
難碎  
異鄉心

以上七首在畫鶴  
凌春庭前

人哉為嗟  
惋君獨安且怡  
又執考書去當衡誰與知

六月十日中伏玉峯園避暑值雨

南園避中  
伏意遼晚忘歸  
墻外谷雲起  
簷前山雨飛  
興餘思秉  
燭坐久欲添衣  
為愛東崑下  
泉聲通翠微  
咸陽道上晚晴有作

歲晚登清素院北閣

積霽晚盡  
散南山  
明夕陽  
秋容徧  
豐鎬古  
恨入隋唐  
草木咸搖  
落風烟自  
渺茫  
客亭須下  
馬把酒慰  
殊鄉  
雲端訪古  
寺樹杪臨  
危閣  
風厲懾  
草木霜  
乾喜  
鷓鴣  
天時既悽  
慘人意亦  
寂寞  
回念故山  
遠心隨日  
西落

炭泉險道

一澗呀然截亂  
峯更於何處問  
途窮  
高深出井  
又入  
井曲直上弓  
還下弓  
絕底下  
臨渾  
偈仄危  
巖纔微似  
飛冲我来行  
縣須經此  
正在炎炎  
三伏中

玉峯園避暑

伏日當飲酒  
南城會群賢  
開樽蔭碧樹  
移席臨清泉  
浩意脫塵土  
高懷軼雲烟  
早歸休信俗  
須待月娟娟  
早起覽物成  
詠

移枕出幽幌  
披衣步前楹  
秋容草木靜  
曉氣烟雲輕  
蟬噪宿露滴  
鴈飛朝霞明  
塵心幸未動  
聊此納餘清



寄馮永州

山水未最善守居聞更優烟雲萬石古風月久岩秋  
几案少俗事壺觴多雅遊無因陪後乘幽意滿湘流  
暑夕待月庭下夜深方歸

晝蠅方少夜蚊多搖脫霜紈奈熱何獨向庭中待明  
月一身清露瀉金波

中伏日諸君會玉峯余以病不預作詩寄呈  
去年中伏在南園同聽清泉引綠樽今日諸君又高  
會獨嗟移疾臥西軒

興平原上赤熱因寄永壽同年

日午終南翠色燃滿襟飛土下秦川是時獨想君高  
尚正在山亭弄野泉

亭口

林下翩翩鴈影斜滿川紅葉映人家岩頭孤寺見橫  
閣有客獨來登暮霞

淺水原

鶉觚西此地鱗鱗此處當年起戰塵見說如今溝壑  
下斷鋒殘鏃屬耕民

興平原上

東西車馬走秦川擾擾飛塵混曉烟我亦中間遊宦

者尚慚無語賦歸田

西湖荷花

紅苞綠葉共低昂  
滿眼寒波映碧光  
應是西風拘管  
得是人須與一襟香

石龍渦

嶮勢圍空斷壁圓  
四時常見聚雲烟  
為霖救旱今何在  
徒有遺文記昔年  
有李懷人記備述  
禱雨有驗之事

水滸

紅芳霄露清翠節  
曉霜犯雨後曬殘日  
秋容滿庭檻

黃蜀葵

錦江何日別漆水  
今朝見清露染顏色  
秋鵲一分淺

鼓子千菜者

柔條長百尺秀萼包  
千菜不惜作高架  
為君相引接

鄆上懷古

未曉南山去從禽  
夜不歸凡行多少地  
十二所更衣

石竹

蜂齧紅葉爛蟲啼  
碧葉短秋風畧地起  
惟有蒼□□

管管

七卷終

音高疑倒轉

十卷終

樂陽剖刷氏李

瑞刻

樂陽

樂陽剖刷氏李

可計

未始南山去茲禽豈不顯山行多文出十二百更冬

可計

柔新身百入秀真色手葉不計此高將為民味同耕

可計

禮下向什限在八入變具行經樂流每為一



